

Obrigada no bondia ba maluk-sira hotu. Ha'u kontente mai iha ne'e hodi ajuda loke formasaun anti-korrupsaun importante ida ne'e.

Ha'u hakarak hatoo ami-nia agradesimentus ba Estados Unidos América nia Juis Distritál **Thomas A. Varlan** husi Distritu Leste Tennessee iha Knoxville, TN no Primeiru Asistente Prokuradór **Jared Bennett** husi Distritu Utah.

Obrigada ba **Maria Sarmiento**, Diretora Ezekutiva iha Unidade Informasaun Finanseira (FIU) no **Gabinete Prokuradór-Jerál** (OPG), ne'ebé mós sei fornese formasaun iha konferensia ne'e.

Obrigada, Komisáriu KAK **Dr. Sergio Hornai**, tanba halo ona formasaun anti-korrupsaun sai hanesan prioridade iha KAK.

Ha'u haksolok tanba ohin ita-boot-sira barak mai partisipa. Partisipasaun boot hanesan ne'e hatudu Timor-Leste nia seriedade iha kestaun ne'e, no importánsia husi ita-boot sira-nia knaar atu investiga no prosesa kazu korrupsaun.

Formasaun ne'e hanesan ezemplu resente apoiu kontínua husi Povu Amerikanu hodi ajuda fortalese kapasidade iha Timor-Leste nia setór justisa.

Ami haka'as-an hodi fornese formasaun valioza kona-ba oinsá ho efetivu kombat no prosesa krime korrupsaun no krime finanseiru-sira.

Dezde tinan rihun-rua-sia (2009), Embaixada Estados Unidos América nia Asesor Jurídiku Rezidente kolabora ona ho Timor-Leste nia setór justisa no setór aplikasaun lei, ho objetivu komun halo estadu-de-direitu sai realidade ba sidadaun Timoroan hotu-hotu.

Entre ameasa-sira boot liu ba estadu-de-direitu maka korrupsaun, ne'ebé ho tendénsia mosu bainhira funsionáriu-sira tau sira-nia interesses pessoais a'as liu interesse públiku.

Korrupsaun públiku no krime finanseiru-sira nu'udar crimes korrosivus ne'ebé hamihis públiku nia fiar no konfiansa ba governu no líderes eleitu-sira.

Hanesan investigadór, ita-boot-sira dala-barak sai liña-defeza kontra korrupsaun. Ida ne'e responsabilidade ida ne'ebé fundamentalmente importante.

Atu iha susesu iha ita-boot sira-nia misaun, ita-boot-sira presiza utiliza instrumentus hotu-hotu ne'ebé iha hodi reuni provas nesesárius ne'ebé sei apoia akuzasaun-sira no hetan kondenasau iha Tribunál-sira.

Lejizlasaun Anti-korrupsaun sei pendente hela iha Timor-Leste. Ami espera katak bele passa lalais iha tempu badak atu nune'e ita-boot-sira bele iha-tan instrumentu adisionál ne'ebé ita-boot-sira presiza hodi investiga no prosesa tipu krime-sira hanesan ne'e.

Iha tempu hanesan, formasaun ne'e sei destaka kona-ba instrumentu-sira ne'ebé ita-boot-sira iha ona.

Ha'u sinseramente espera katak ita-boot-sira bele aproveita saida maka imi aprende iha ne'e no uza-ba iha ita-boot sira-nia atuál investigasaun no prosesu anti-korrupsaun.

Sempre iha buat barak atu aprende liutan no ha'u aplaude ita-boot-sira-nia esforsus hodi buka hatene liutan.

Ha'u espera rona oinsá esperiénsia ne'e sei benefisia ita-boot-sira-nia instituisaun-sira no povu Timor-Leste.

Obrigada ba knaar ne'ebé ita-boot-sira halo loro-loron reprezenta sidadaun Timor-Leste sira. Obrigada barak.